



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

*ZAPISNIK
O RADU 47. SJEDNICE
GRADSKOG VIJEĆA GRADA SARAJEVA
ODRŽANE 29.11.2024. GODINE*

Sarajevo, novembar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



**ZAPISNIK
O RADU 47. SJEDNICE
GRADSKOG VIJEĆA GRADA SARAJEVA
ODRŽANE 29.11.2024. GODINE**

Broj: 01-GV-02-1536/24

Datum: 29.11.2024. godine

Sjednica je počela sa radom u 15,00 sati.

Sjednicom je predsjedavao **Jasmin Ademović, predsjedavajući Gradskog vijeća.**

Prisutni su bili sljedeći gradski vijećnici:

1. Alem Logo
2. Biljana Lazarević
3. Danijela Šahat
4. Jasmin Ademović
5. Samir Bejić
6. Toni Vukadin
7. Amra Zulfikarpašić
8. Alen Girt
9. Mirela Džehverović
10. Ratko Orozović
11. Srđan Simonović
12. Vedad Deljković
13. Dragan Stevanović
14. Muamer Mekić
15. Bajro Biber
16. Robert Pleše
17. Seid Škaljić
18. Željko Majstorović
19. Vedran Dodik
20. Drago Jurić
21. Enisa Spahić
22. Jasmin Skorupan
23. Srđan Srdić

Odsutni: Almedin Miladin, Adi Škaljić (podnio ostavku na mandat gradskog vijećnika), Hazim Bahtanović (najavljen izostanak), Lajla Čosović (najavljen izostanak) i Elvedin Korora.

Pored gradskih vijećnika, sjednici su prisustvovali:

1. Predrag Puharić, gradonačelnik Grada Sarajeva (izabran na sjednici)
2. Mirza Selimbegović, zamjenik gradonačelnika Grada Sarajeva
3. Mila Eminović, sekretar Gradskog vijeća
4. Mirjana Đanović Stanić, rukovodilac Stručne službe za poslove Gradskog vijeća
5. Aida Bajramović, sekretarka organa uprave
6. Admir Jusufbegović, pravobranilac Grada Sarajevo
7. Senada Kočan, pomoćnica gradonačelnika za opću upravu i zajedničke poslove
8. Merima Arifhodžić, pomoćnica gradonačelnika za urbano planiranje, investicije, stambene i komunalne poslove
9. Dženana Šarčević, rukovodilac Stručne službe za poslove kabineta i poslove Gradske uprave
10. Muamer Kutlovac, pomoćnik gradonačelnika za finansije
11. Zinaida Čengiđ, rukovodilac Stručne službe za protokolarne poslove, odnose s javnošću i međunarodnu saradnju

Sjednici je prisustvovala Selvira Vilić, članica Komisije za Statut i akte koja nije gradska vijećnica (prema evidenciji u Stručnoj službi za poslove Gradskog vijeća Grada Sarajeva).

Sjednici su prisustvovali i gosti: Benjamina Karić, načelnica Općine Novo Sarajevo i Irfan Čengić, načelnik Općine Stari Grad Sarajevo.

Predsjedavajući Gradskog vijeća Jasmin Ademović je pozdravio prisutne, te najavio utvrđivanje prisustva, odnosno najave odsustva po pozivu za sjednicu.

Sekretar Gradskog vijeća Mila Eminović je informisala Gradsko vijeće da 47. sjednici Gradskog vijeća, trenutno, prisustvuje 19 gradskih vijećnika, da su izostanak sa sjednice, blagovremeno, najavili gradski vijećnici Lajla Ćosović i Hazim Bahtanović, da je odsutan i gradski vijećnik Adi Škaljić obzirom da je podnio ostavku na poziciju gradskog vijećnika te da niko od gradskih vijećnika nije najavio kašnjenje.

Predsjedavajući Gradskog vijeća Jasmin Ademović je konstatovao da sjednici prisustvuju 19 gradskih vijećnika te da Gradsko vijeće ima kvorum za punovažan rad i odlučivanje. Zatim je otvorio 47. sjednicu Gradskog vijeća Grada Sarajeva.

Usljedilo je intoniranje himne Bosne i Hercegovine.

Predsjedavajući Gradskog vijeća Jasmin Ademović je konstatovao da je radu sjednice pristupio **gradski vijećnik Bajro Biber** te da sjednici prisustvuje 20 gradskih vijećnika.

Predsjedavajući Gradskog vijeća Jasmin Ademović je podsjetio gradske vijećnike da je sjednica sazvana u skladu sa članom 70. stav 6. Poslovnika Gradskog vijeća Grada Sarajeva, te je na sjednici predložio sljedeći dnevni red:

1. Izbor gradonačelnika Grada Sarajeva
2. Vijećnička pitanja i inicijative

Predsjedavajući Gradskog vijeća Jasmin Ademović je podsjetio gradske vijećnike da na 46. sjednici Gradskog vijeća održanoj dana 26.11.2024. godine tačka Izbor gradonačelnika Grada Sarajeva nije bila uvrštena u dnevni red sjednice nakon razmatranja prethodnih pitanja jer je Klub gradskih vijećnika Socijaldemokratske partije BiH upoznao gradske vijećnike da zbog kratkog roka nije utvrđen kandidat ovog kluba za izbor gradonačelnika.

Upoznao je gradske vijećnike da je s tim u vezi, odmah, nakon 46. sjednice Gradskog vijeća održana 65. sjednica Kolegija Gradskog vijeća na kojoj je dogovoren termin održavanja 47. sjednice i na kojoj je Klub gradskih vijećnika Socijaldemokratske partije BiH upoznao članove Kolegija da će izvjesno utvrditi kandidata za gradonačelnika, te da će na 47. sjednici Gradskog vijeća svog kandidata i istaći.

Predsjedavajući Gradskog vijeća Jasmin Ademović je podsjetio gradske vijećnike da je 47. sjednica Gradskog vijeća zakazana u skladu sa članom 70. stav 6. Poslovnika Gradskog vijeća Grada Sarajeva, te da je u skladu sa članom 129. Poslovnika Gradskog vijeća Grada Sarajeva, potrebno da Gradsko vijeće, prije utvrđivanja dnevnog reda odluči kao o prethodnom pitanju, o tome da se u prijedlog dnevnog reda 47. sjednice uvrsti za razmatranje po hitnom postupku predložena tačka dnevnog reda - Izbor gradonačelnika Grada Sarajeva uz obrazloženje da je dužnost Gradskog vijeća da obezbijedi kontinuitet izvršnog organa, a posebno u vremenu pred kraj kalendarske godine kada organe Grada Sarajeva očekuje predlaganje i usvajanje programskih, te planskih dokumenata za rad organa Grada Sarajeva za sljedeću godinu,

uključujući i budžet, te je hitan postupak za izbor gradonačelnika na period do kraja mandata ovog Gradskog vijeća više nego opravdan.

Zatim je predsjedavajući Gradskog vijeća Jasmin Ademović otvorio raspravu o proceduralnom prijedlogu da se tačka predloženog dnevnog reda - Izbor gradonačelnika Grada Sarajeva razmatra po hitnom postupku.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je proceduralni prijedlog** da se Izbor gradonačelnika Grada Sarajeva **razmatra po hitnom postupku**.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, bez rasprave, **jednoglasno**, izjasnivši se sa 19 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je dnevni red 47. sjednice Gradskog vijeća Grada Sarajeva koji glasi:**

1. Izbor gradonačelnika Grada Sarajeva
2. Vijećnička pitanja i inicijative

Ad 1)

Izbor gradonačelnika Grada Sarajeva

Predsjedavajući Gradskog vijeća Jasmin Ademović je konstatovao da su radu sjednice pristupili **gradski vijećnici Dragan Stevanović i Alen Girt** te da sjednici prisustvuju 22 gradski vijećnika.

Jasmin Ademović, predsjedavajući Gradskog vijeća je podsjetio gradske vijećnike na odredbe Statuta Grada Sarajeva i Poslovnika Gradskog vijeća Grada Sarajeva kojima se propisuje izbor Gradonačelnika te na član 43. stav (11) Statuta Grada Sarajeva kojim se propisuje da ukoliko mjesto gradonačelnika ostane upražnjeno, Gradsko vijeće će izabrati novog gradonačelnika u roku od 30 dana.

Pozvao je gradske vijećnike da iznesu prijedloge za izbor gradonačelnika vodeći računa o nacionalnoj pripadnosti kandidata, da predstavljaju biografiju kandidata za izbor gradonačelnika Grada Sarajeva te da upoznaju Gradsko vijeće da li je kandidat dao saglasnost na kandidaturu za izbor gradonačelnika.

Gradski vijećnik Muamer Mekić je predložio da se za gradonačelnika Grada Sarajeva izabere **Predrag Puharić**, te obrazložio podneseni prijedlog.

Predsjedavajući Gradskog vijeća Jasmin Ademović je izjavio da je **gradski vijećnik Muamer Mekić** dostavio izjavu da **Predrag Puharić** **prihvata kandidaturu za izbor gradonačelnika Grada Sarajeva.**

Obzirom da nije bilo drugih prijedloga, **Predsjedavajući Gradskog vijeća Jasmin Ademović** je konstatovao da je **kandidat za gradonačelnika iz reda srpskog naroda Predrag Puharić** te da je isti prihvatio kandidaturu.

Na poziv **predsjedavajućeg Gradskog vijeća Jasmina Ademovića, Gradsko vijeće Grada Sarajeva**, većinom glasova, izjasnivši se sa 21 glasom „za“, bez glasova „protiv“ i jednim „suzdržanim“ glasom prisutnih gradskih vijećnika **izabralo je Predraga Puharića za gradonačelnika Grada Sarajeva.**

Gradonačelnik Grada Sarajeva Predrag Puharić se izjasnio da prihvata izbor, a zatim je dao svečanu izjavu čime je uveden u novu dužnost.

Predsjedavajući Gradskog vijeća Jasmin Ademović je dao riječ **gradonačelniku Grada Sarajeva Predragu Puhariću** koji se u svom obraćanju, zahvalio gradskim vijećnicima na ukazanoj časti i povjerenju te istakao tri ključna cilja na koja će se fokusirati u svom radu do isteka mandata aktualnog Gradskog vijeća.

Zatim je **predsjedavajući Gradskog vijeća Jasmin Ademović** pozvao **bivšu gradonačelnicu Grada Sarajeva Benjaminu Karić** koja je simbolično **predala Ključ Grada Sarajeva gradonačelniku Predragu Puhariću.**

Ad 4)

Vijećnička pitanja i inicijative

Predsjedavajući Gradskog vijeća Grada Sarajeva Jasmin Ademović je pozvao gradske vijećnike da u skladu sa članom 148. stav 3. Poslovnika Gradskog vijeća Grada Sarajeva usmeno postave vijećnička pitanja i inicijative.

Gradski vijećnik Alen Girt je postavio **vijećničko pitanje**, u diskusiji, sljedećeg sadržaja:

Potrebno je dostaviti informaciju da li će Grad Sarajevo, u sklopu organizacije dočeka Nove 2025. godine, finansijski podržati novogodišnji koncert Sarajevske filharmonije? Na inicijativu Gradskog vijeća proteklih godina je Grad Sarajevo podržao ovaj koncert. Sarajevska filharmonija je ovo pitanje uputila Gradu Sarajevo ali do danas nije dobila odgovor.

Gradski vijećnik Željko Majstorović je uputio **inicijativu** sljedećeg sadržaja.

Potrebno je da se u što kraćem roku realizuju dvije inicijative koje su postale inicijativama Gradskog vijeća, a koje se tiču formiranja Komisije za održivi razvoj, ekologiju i očuvanje prirodnog i kulturnog nasljeđa Grada Sarajeva, te inicijativa da se u gradu Sarajevo proglasi permanentna akcija pod nazivom „Zelenilo poklon gradu“.

Predsjedavajući Gradskog vijeća Jasmin Ademović je zaključio rad 47. sjednice Gradskog vijeća Grada Sarajeva.

Sjednica Gradskog vijeća Grada Sarajeva završena je u 15.28 sati.

Sastavni dio ovog zapisnika je izvornik i tonski snimak o radu sjednice Gradskog vijeća Grada Sarajeva koji se čuvaju u Stručnoj službi za poslove Gradskog vijeća Grada Sarajeva.

SEKRETAR GRADSKOG VIJEĆA

Mila Eminović

PREDSJEDAVALJUĆI GRADSKOG VIJEĆA

Jasmin Ademović, s.r.